

**Talamdan sa  
Mga Mensahe alang sa Full-time Training  
sa Fall Term sa 2023**

-----  
**LINANGKOB NGA HISGOTANAN:  
ANG MAHINUNG DANONG MGA PUNTO SA KAMATUORAN SA MGA SULAT NI PABLO—  
UNANG CORINTO**

Mensahe 10

**Magpahimulos ni Cristo nga Gilansang sa Krus  
nga Bugtong-talagsaong Sulbad sa Tanang Problema sa Iglesia**

Basahong Kasulatan: 1 Cor. 1:23-24, 30; 2:2, 9-10; 10:4; 15:45b; 1 Ped. 2:24

**I. Si Cristo nga gilansang sa krus mao ang bugtong-talagsaong hisgotanan, sentro, sulod, ug pagkamao sa pagpangalagad sa apostol—1 Cor. 2:2:**

A. Ang kamatayon ni Cristo nahimo nang gahom sa Dios nga mokuha sa tanang problema sa uniberso; busa, si Cristo nga gilansang sa krus mao ang gahom sa Dios nga mowala sa tanang negatibong butang ug motuman sa Iyang plano—1:23-24:

1. Ang tawhanong paagi sa pagsulbad sa mga problema mao ang pagpakigsabot-sabot, apan ang paagi sa Dios mao ang pagtapos; ang labing maayong paagi sa pagsulbad sa mga problema diha sa mga tawo mao ang pagtapos sa tanang nalambigit—Gal. 2:20; itandi sa 1 Cor. 6:7-8.
2. Gipahilom sa pagkalansang ni Cristo sa krus ang tibuok uniberso ug gipayano niini ang hilabihan kakuti nga sitwasyon sa uniberso—itandi sa 2 Cor. 11:2-3.

B. Magpahimulos ngani ta ni Cristo nga gilansang sa krus, hingpit gyong matapos ang tanan natong pagkamao, tanang naa nato, ug tanang mahimo nato, ug ikapaambit ang Iyang kinabuhi sa pagkabanhaw pinaagi nato ngadto sa uban—Juan 12:24-26; 2 Cor. 4:10-12.

**II. Ang pagpahimulos nato ni Cristo nga gilansang sa krus nga mao ang Espiritung taghatag-og-kinabuhi nga naa sa atong espiritu magsulbad sa tanang problema sa iglesia ug mosangpot sa pagtubo sa kinabuhi aron matukod ang iglesia—1 Cor. 1:23; 2:2; 15:45b; 6:17; 3:6:**

A. Si Cristo nga gilansang sa krus mao ang atong espirituhanong bato nga gihampak ug gipikas sa Dios aron ipaagay ang Iyang Kaugalingon nga espirituhanong tubig nga atong mainom—10:4; Juan 19:34; Exo. 17:6:

1. Mapadayonon gyod tang motawag sa Ginoo ug magtimbang tubig gikan Niya nga tuboran sa buhing tubig—1 Cor. 12:13, 3b; Isa. 12:3-4; Juan 4:10, 14.
2. Sige gyod tang makigsulti sa Ginoo aron madawat Siya nga buhing tubig—Num. 20:8.

B. Si Cristo nga gilansang sa krus mao ang gahom sa Dios aron makakinabuhi ta diha sa bisan unsang palibot ug makakinabuhi sa tanang maayong gawi—1 Cor. 1:18, 24; Efe. 1:19-23:

1. Makakinabuhi ta sa kontentong kinabuhi diha sa bisan unsang palibot pinaagi ni Cristo nga atong gahom sa sulod—Fil. 4:11-13.
2. Makakinabuhi ta ni Cristo nga tanang maayong gawi pinaagi Niya nga atong gahom sa sulod; ang pagkinabuhi ning maayong mga gawi labi pa kalisod kaysa pagbuhat og Cristohanong butang—vv. 13, 8.

3. Mapahimuslan nato ang pagpalatay ni Cristo nga gahom sa Dios ug ang pagpatuhop ni Cristo nga kalinaw sa Dios sa pagbatasan nato nga makig-ambitay Niya sa pag-ampo—vv. 6-7.
- C. Si Cristo nga gilansang sa krus mao ang kaalam sa Dios isip pagkamatarong, pagkabalaan, ug pagtubos nato—1 Cor. 1:30:
1. Nahimong kaalam nato gikan sa Dios si Cristo aron mopalatay sa tanang pagkamao Niya sa atong pagkatawo nga dunay tulo ka bahin aron mapadayag Siya sa walay kataposan, maghimo natong obra maestra sa Dios aron maalamong mapasundayag ang tanang pagkamao ni Cristo—Efe. 2:10; 3:10:
    - a. Si Cristo ang atong pagkamatarong (alang sa atong nangagi), nga pinaagi niini gimatarong ta sa Dios, aron ipanganak ta pag-usab diha sa atong espiritu para makadawat sa diosnong kinabuhi—Rom. 5:18; 8:10.
    - b. Si Cristo ang atong pagbalaan (alang sa atong karon), nga pinaagi niini gibalaan ta diha sa atong kalag—gitransporma sa atong salabotan, pagbati, ug pagbuot—sa Iyang diosnong kinabuhi—6:19, 22.
    - c. Si Cristo ang atong katubsanan (alang sa atong umalabot), ang pagtubos sa atong lawas, nga pinaagi niini usbon ang dagway sa atong lawas sa Iyang diosnong kinabuhi aron maato ang mahimayaong pagkasama Niya—8:23; Fil. 3:21.
    - d. Pagbuot sa Dios nga makaapil ta sa ingon niana kakompleto ug kahingpit nga kaluwasan, nga organicong nag-usa sa tibuok natong pagkatawo—espiritu, kalag, ug lawas—ni Cristo ug naghimo Niya nga atong tanan—itandi sa Efe. 5:25-27.
  2. Ang pagkamatarong, pagbalaan, ug pagtubos dili lang nagpasabot sa tulo ka hugna sa kaluwasan sa Dios kondili sa tulo ka aspeto sab sa kinaiya sa kaluwasan sa Dios nga kinahanglan masinati nato adlaw-adlaw.
  3. Makuptan ngani nato si Cristo nga gipakapersonang kaalam sa Dios, mahimo Siyang realidad sa kahoy sa kinabuhi kanato aron ikapangalagad nato si Cristo nga kinabuhi ngadto sa uban—Prov. 3:18-19; 2 Cron. 1:10; Col. 2:2-3; 1:28; 1 Tim. 5:1-2.
- D. Si Cristo nga gilansang sa krus mao ang atong Mag-aayo, ang kahoy nga makaayo nato—Exo. 15:22-26; 1 Ped. 2:24; Juan 11:25; Bug. 2:7:
1. Masinati ngani nato ang makaayong kahoy sa krus ni Cristo ug magkinabuhi ta sa kinabuhing linansang sa krus, mahimong tam-is ang pait nga sitwasyon nato.
  2. Iaplikar gyod nato ang krus ni Cristo sa tibuok natong pagkatawo, aron ma-aayo ang kapait sa atong sulod ug mahimong tam-is.
- E. Si Cristo nga gilansang sa krus mao ang mga kahiladman, ang laglom nga mga butang, sa Dios—1 Cor. 2:6-10:
1. Ang laglom nga mga butang sa Dios mao si Cristo sa daghang aspeto isip walay kataposang pahat nato, nga gitudlo nang daan, giandam, ug walay bayad nga gihatag sa Dios kanato—Rom. 11:33; 1 Cor. 15:45b; 6:17.
  2. Aron makaamgo ug makaapil sa laglom nga mga butang nga gitudlo ug giandam sa Dios alang nato, mahigugma gyod ta Niya—2:9; itandi sa 16:22; Mar. 12:30:
    - a. Sa ingon niini duna tay labing suod ug labing sandurot nga pakig-ambitay sa Dios, ug makasulod ta sa Iyang kasingkasing ug makasabot sa tanang sekreto niini—Sal. 73:25; 25:14.
    - b. Kon mausa na sa Dios ang tibuok natong pagkatawo tungod sa paghigugma nato Kaniya diha sa sandurot nga pakig-ambitay, ipakita Niya kanato, diha sa atong espiritu pinaagi sa Iyang Espiritu, ang tanang sekreto ni Cristo nga atong pahat—1 Cor. 2:10-12.